

Desaroyo economico di 2021 ta depende grandemente di e recuperacion den turismo

Comunicado di prensa¹

December 30, 2020

Awe Banco Central di Aruba (BCA) a publica su estimacion y proyeccion recientemente actualisa pa e producto domestic bruto (PDB) pa, respectivamente, 2020 y 2021.

Recientemente BCA a actualisa e calculacionnan economico pa 2020, basa riba cierto desaroyonan economico y data disponibel te cu october 2020. Durante e aña aki, e sector turistico cu ta e contribuyente principal na actividad economico, a cay significantemente. Compara cu 2019, a calcula un caida di 70,0 por ciento den e cantidad di bishitante, cu finalmente por resulta den un bahada di 56,6 por ciento den entrada for di turismo.

Tambe BCA a haci su prome proyeccionnan economico pa 2021. Mirando e incertidumbre grandi cu lo persisti den 2021 relata na e pandemia di COVID-19, a calcula un baseline scenario den cual a tuma como punto di salida e desaroyonan den algun agregado economico mas importante cu actualmente ta considera mas probabel. Den e scenario aki, cual ta fungi como base referente, turismo ta premira pa continua riba su caminda di recuperacion durante 2021. Abase di esaki, na final di 2021, e total di bishitante for di exterior ta anticipa pa yega 60,0 por ciento di e nivel cu e tabata na 2019, cu por resulta den un recuperacion di 14,4 por ciento den entrada for di turismo. Banda di e baseline scenario, a inclui un scenario pesimista y uno optimista. E scenario pesimista y optimista ta desvia for di e baseline scenario den termino di e velocidad di recuperacion den e sector turistico. E ultimo aki ta impacta consumo, inversion y nivelnan di importacion y exportacion.

Den 2020, Aruba a experencia un contraccion economico significante, especificamente e PDB den termino real ta estima di a cay cu 26,4 por ciento. E caida aki ta sigui e bahada fuerte den actividad turistico, consumo priva y inversion, causa pa e pandemia di COVID-19 y e medidanan tuma pa gobierno di Aruba pa contene e plamamento di e virus.

E desaroyo economico riba termino cortico ta keda hopi insegur. Pa 2021, BCA a haci su prome proyeccionnan cu hopi cautela, den cual e resultadonan ta depende pa gran parti di e profundidad y duracion di e pandemia y di e forza di e recuperacion di turismo. E factor contribuyente principal na

¹ E original na Ingles ta prevalece.

e reanudacion di actividadnan economico na 2021 sin duda ta un mehoracion den e prestacion di e sector turistico, door cu ta anticipa cu esaki lo sigui riba e caminda di recuperacion. Sinembargo, awor aki ta premira cu actividadnan relata na turismo durante 2021 lo keda ampliamente bou di e nivelnan halto di 2019 den tur scenario. PDB den termino real ta anticipa pa crece cu 2,5 por ciento den e baseline scenario, 5,2 por ciento den e scenario optimista, pero lo cay cu 3,4 por ciento den e scenario pesimista.

Tabel: Crecemento real di PDB y su componentenan 2019-2021 (den porcentahe)

Indicador	2019 c	2020 c	2021 o p	2021 b p	2021 ps p
Economic outlook (december 2020)					
PDB	-0,7	-26,4	5,2	2,5	-3,4
Consumo	-0,3	-12,9	4,0	2,4	-5,2
Consumo priva	-0,1	-16,2	5,9	3,7	-6,8
Consumo publico	-0,8	-2,5	-1,1	-1,1	-1,1
Inversion	-0,9	-22,5	-10,6	-12,0	-13,4
Inversion priva	1,7	-20,3	-10,7	-12,0	-13,4
Inversion publico	-46,9	-94,3	-0,3	-0,3	-0,3
Exportacion	1,7	-52,4	18,2	9,8	1,4
Exportacion di turismo	2,7	-54,6	21,1	11,4	1,6
Importacion	2,0	-36,7	6,9	2,2	-6,4

Fuente: BCA.

c = calculacion; p = proyeccion; o = optimista; b = base; ps = pesimista.

E publicacion completo ta disponibel riba nos website (www.cbaruba.org)